

南

渡

錄

南渡錄卷之五

大理寺左寺丞前工科都給事中臣李

三月甲申朔上御經筵

命勘議吏部主事張和、吳文德、御史徐復陽所糾也

兩人以南渡草創從讀禮中補銓曹然未抵任非其罪

也吏部復二人俱降調允之後北破松江允棄投水死

命看議御史陳潛夫

吏科林有本言彭遇、魏藉持斧之勢作蛇豕主盟其出

都也舳艫接於河干其入浙也妻子頻於境上一輦金

而入幕卽有兄弟之稱凡給劄而橫行盡爲盜賊之狀
近有自浙來者述其滿省北將遍地劄弁或寄食編氓
或派餉巨室明吞暗劫輒云親屈更可異者去冬有富
強不費兵餉一疏題荐至四十七人歷來不明踪跡說
秘且四十七人外更挾三千飢民以資四十七之擇人
餓殍浙民幾何堪此荼毒宜乎以變告也若陳潛夫以
推官入賀營改巡方今又卸肩回道旋丁父艱半年司
李儼然請禮侍御當日之驟改或冀其收拾西河耳今
效安在疏奏止命陳潛夫看議遇颺不及也

命議諸陵忌祭

時諸陵帝后忌祭皆設孝陵太常少卿張元始言本陵
正祭僅八而諸陵望祭至五十有一前饌未撤後期踵
至縱橫隧道之上非所以嚴昭事也謂凡遇忌辰宜祇
脩牲醴致祭於奉先殿惟遇五節則總設一壇附祭諸
帝后于孝陵從之

御史劉光弼補糾漏案吳邦臣并及陳名夏方允昌等命
一併提問光弼已出沒降科人可保

疏言諸臣再迎西旂族喚叱犇數月而兩易冠裳一身

而三星顧頤前途如此後效可知豈宜予以錄用至漏
逆吳邦臣等宜勅諸臣各挾確知補牘入告陳名夏竄
迹他鄉方允冒遣送故土若縱而不緝何以服在繫之
心疏奏允之

御史袁弘勳疏雪傅樞高捷史並陳殷張文郁等

並按淮揚貪死獄沒產殷文郁俱工部主政以三殿工
超擢部堂京卿故旨云不得輕議若樞連糾左光斗魏
大中等雖謬然糾狎邪汪文言自快人意況以糾逆璫
故致服闋後終璫世不出何云逆案吏部尚書張捷每

聲其枉然不啓亦不雪或曰先註楊維垣糾意弗許也
原任太學士李標卒

陞吏科都御史兼太常寺少卿御史周昌晉太僕寺少卿
希夏後謀北刑科左以被糾不果死

陞兵科左御史禮科都給事中

志儒後降北為安撫道

乙酉升通政使楊維垣都察院左副都御史

僧大悲伏誅

大悲屢經會訊語言頗謬有潞王施恩百姓人服之

該與他作正位等語御史高允茲未創轉時曾疏言大
悲一舉其狀似癲似狂其言如夢如囈先帝必無十
二年封齊王之文杜王豈有十五年過鎮江之事且藩
封貴重寺人驕蹇招內訌王下位迎接與李承奉之叩
首陪坐政不知有風影與否至如申紹芳錢謙益現存
宮詹卿貳敢有異圖且此何等事而議之孔聖廟耶或
令潞藩與李承奉並紹芳諸人明白回奏以釋群疑或
三審既明即依正法了此案尤見皇上靈斷不然
葛藤不斬弓蛇自疑一波未平一波復作起桐封之危

此為上石
多見其不

一頁二行予存
之義何者

越滋委巷之稱說開箱網之彙端可乎哉會謙益紹芳
各具疏辯而上亦召對閣臣於內殿皆請包荒以安
反側遂誅大悲於市時御史張孫振審詞有大悲本是
神棍故作瘋僧若有主使線索又豈是黎丘之鬼或
為專諸之雄詔多批激非上寬仁大獄興矣

丙戌改詹事府尚書錢謙益禮部尚書兼翰林院學士
丁亥命復故輔溫體仁謚廢文襄謚仍舊不必議奪
命晚撫歸併應撫屯撫改為蘇督王永吉帶撫淮安銜能
文兼撫徐揚

召勲臣朱國弼等、閣臣馬士英等、翰林劉正宗等入見。武英殿面諭令全府部九卿科道辨驗北來太子真偽。先是去年十二月間、有鴻臚少卿高夢箕僕木虎自北而南、中途遇一稚子、扶與偕、尋暮解內衣、燦然龍也。驚詢、夢云我王子、既益狎、乃易語太子、行抵京師、望孝陵輒伏地哭、夢箕初猶疑留與語、每言及先帝、先后則長號、又問聞賊入宮、何以呼爾、稚子涕淚交下、故作羞恨狀曰、見我、聞妃、宮中事、夢箕無以辨也。乃始信之初、欲既聞、絰謂此乃先帝胤、出恐不免、密送杭州宅內。

稚子至益駭、每酣飲則狂呼、聞大言濶步、夢箕恆不能
禁也、懼、書達夢箕、夢箕亦懼、命載送金華之浦江、然外
人已噴笑矣、不得已于正月疏聞、上亟遣內臣馮進
朝追回、至紹興方及、至是奉 上諭、朕念 先帝之子
即朕之子、若果係真東宮、朕尚無子、即愛養他、但昨遣
內臣李承芳、盧九德前去審視、回奏面貌不對、語言閃
爍、卿等可會同府部大小九卿科道舊日東宮講讀等
官前去辨驗、時諸講官劉正宗、李景康等皆言太子眉
長於目、而北使兵部侍郎左懋第密疏至、亦言廟中有

一太子、不知真偽、詢之西宮素妃、曰太子有虎牙、脚下有痣、至是驗之無一合、繼問講讀何所、則誤指端敬殿為文華殿、問講讀先後、則誤以先讀為先講、問講讀既完、所寫何字、則誤以孝經為詩句、問字寫幾行、則誤以描摹十大字、自書小字於旁為全寫、又問當日講讀曾問難數次、尚記憶幾何、曰不記、又問講案上何物、曰不知、雖正宗景濂亦不識也、己兵科左戴英前問以崇禎十六年曾廷鞠吳昌時、仍皇太子于中左門何事、何語、又問嘉定伯何姓何名、亦不能對、時衆猶無言、惟

聞臣鐸大言曰假使退未幾左都李沾同數人升階始跪地乞憐自云王曷孫之明非太子為木虎所教手書付沾遂從寔奏聞

上召對群臣

即會審之午後也上曰朕念先帝身殉社稷言出淚落逆不成語繼乃曰朕今日側耳宮中惟望卿等奏至若果真即迎入大內仍為皇太子誰知又不是慨傷久之時左都李沾持偽太子手書跪奏者再上皆不預言已徐命取視付法司再審兵科左戴英疏言王之

明雖係狡猾然年力尚穉必有大奸之尤扶為奇貨將
開群疑凡宗藩之錯居內地督鎮之分閫外藩莫不善
哉樂道別有一種錮廢簪紳橫議處士專意造言不風
且波況業有假者在則更不難文致切謂此獄宜稍需
時日使天下共見為假毋速結頃刻使天下妄意為真
即已付法司而一切提防尤宜慎密蓋之明之來必有
群奸護至計此時必潛伏聲報暗中探聽知計不行又
何顧一之明不尋滅口之計乞勅法司嚴之又嚴若主
使之入務在根究必得乃可昭示薄海疏奏命法司審

卷之何盡

大學士可法請召回總督衛胤文命仍舊

戊子革新推四川巡撫馬乾撫按提問

督輔應熊糾其淫掠不道也

命督輔王應熊以便互行事違卽制者用賜劍先斬後聞

命滇撫移鎮附近川界出平郡建昌西路黔撫移鎮遵永

出綦江納谿西路川陝提督規後保順二府楚撫亟復

刑州鄖撫扼守大寧大昌達州東鄰出路沅督扼守平

溪四衛出路廣西協助貴州并鄖陽悉聽督撫應熊節

制共畝掃蕩

應熊疏言蜀之四境西北與陝西之漢中州縣相比東
北與鄖襄相比而正東則出峽之路抵夷陵荊州矣西
南由建昌畢節以入雲南正南由永寧遵義以入貴州
東南由思南鎮遠以抵沅沅矣今寇據成都已無子遺
若轉而南向則望腹于滇于黔也雲南巡撫必移鎮于
附近川界適中之地而命將率兵出建昌畢節之西路
貴州巡撫必移鎮遵永之間而命將率師出綦江納谿
之西路此在部議原題疏內已具其槩矣議者謂李賊
在陝張賊必不北顧然目前李賊所遣馬林自七月入

蜀虛唱保寧順慶官民而制之一旦為張賊驅去則張賊不畏陝寇亦可見矣臣故議川陝提督臣樊一銜宜提兵規復保順二府牽賊北顧使不得以全力注於南臣得提南邊一路滇黔之力相援以倚其空然無餉則無兵又苦無一二堪任大將者是以未即舉也賊若不克南不能北則仍起變巫未可料也湖廣撫臣宜急復荊州以控其東鄖陽撫臣宜守大昌大寧連州東鄉之出路以控其東北偏沅督撫宜守沅州以上平溪四衛之出路以控其東南若貴州事力單薄應以廣西助之

鄖陽撫臣所轄盡夔州之界與川中事體極為關切則
廣西鄖陽應許臣得節制而緩急可以呼應臣尚未見
勅書開載不知臣于川陝總督偏沅總督二臣各職掌
何等但一四川而有三督撫其體統孰令所施行將領
兵餉所取用必井然秩然：後事推一而法紀明事乃
可辦又言秦隴巴蜀天下之首也李賊虞秦張賊虞蜀
宜以全力注此二寇而徐議制虜當李賊北犯時空壘
而往西安城中賊不滿千若秦中豪傑有起而圖之者
拔咸陽塞潼關而吳三桂之兵山西河南之兵急與之

抑賊無所歸。當授首矣。縱之入關。使賊轉生計。而我坐失機會。可惜也。然賊狼狽寔甚。未即還。且因此時厚集兵力于蒲坂。扼河東。拒商雒。守鄆陽。使賊不得來。時時揚兵示欲入關。搗其虛。牽制之。使賊不得西。懲以重罰。中之毒。蜀今一面防陝寇。一面制黃而復竭力與張賊從事。此乃舉天下所不能當之毒。盡注射于一隅。豈得不以全力予之。若蒙皇上早賜百餘萬之餉。十四五萬之兵。以殄此寇。則蜀事舉而并力向陝。凡山西河南鄆陽諸路。亦并力西向。則陝寇可殄。而寇平而虜可

制矣疏奏皆俞之

己丑命吏部嚴請選法

一推升必炤俸荐一凡選悉依次序一除授非邊遠危
疆不許破例一司務為九列首領通判係牧民群位不
宜濫開事例即行停止已選者改授一借銜職方僉事
并內地監軍贊畫即遵累旨嚴汰又以咨荐多屬借題
廣文濫及例貢又各官多有應入大選而混入急選者
悉宜嚴禁時吏部選郎陸康樞初任頗加意甄剗而閣
臣奕琛曾字選事頗悉訪弊故票擬詳明一時吏弊稍

清然奴於鎮臣、勲臣、不得自由者尚十之二三也

北兵至邕城、又抵西平

命五城等衙門緝訛言

命非資深望重者無得濫升京堂

初京卿一席、量許添註、至是疊趾駢肩、朝班日增、故禁之

贈工部侍郎林如楚工部尚書停廢

吏部請贈故山永巡撫陳祖苞兵部尚書不允

祖苞先帝時以失機擬辟尋斃獄故不與東撫顏繼

祖等同戮先以子詞臣之遺疏辨復官至是又請贈不

允之遂後降北提任侍讀學士

命黔省勤王兵赴督輔應熊軍前入川勦賊

寧南侯左良玉遣使告急命督臣何騰蛟等還勦

良玉疏言閩賊已過襄陽至承天賊勢急奔虜勢亦急

追應勦賊亦應防虜臣兵合則多分防則寡乞刻發精

兵水陸會勦言甚危切

命內臣喬尚提監兩淮鹽課嚴察兵馬糧餉

所揭中軍外役有理刑錦衣千戶不知何制也

撤浙江催段足錢糧安邦伯勲衛張國材回京

時清察盡邸孫元德故撤之

庚寅陞刑部右侍郎朱之臣兵部添設左侍郎太常寺卿
劉應寧通政使司通政使

應賓後降北為皖撫

翰林院編修張畧以寒食屆期請遙祭諸陵及先帝命

吏部議奏

時城內外編帖云端陽親渡弔屈原也寒食禁烟哀介
子推也三月十九為先帝后卹愼賓天之日攀髯莫
及吾輩各於郊外結社醉酒以志哀恨等語太常少卿

結社醉酒可
為哀恨乎

張元始感其言因疏言 皇上允詞臣張星疏擬於太
平門外遙祭 先帝臣愚謂應另設一壇並祭東宮二
王於側每年忌日舉以為常且斯日何日也三光蔽天
九廟墮地誠與尋常忌辰不同謂應敕天下凡遇三月
十九日止音樂禁屠宰併停士民嫁娶各衙門輕重刑
罰一以誌故宮忝離之歎一以激中外同仇之憤直待
函逆闕首告 先帝靈而此禁始弛可也疏奏命禮部
併議

辛卯御史張兆鵬疏陳致治去弊之法允之

疏言名器至重匪可巧營邇來辨復雲興似設官專為
使過之地陳乞蠲集豈特恩徒開僥倖之門甚而冗員
假冠載道歟命孤假成風今而後請核實而澄汰之可
乎易名蔡應所以棄死勸生何至人盡美謚令千古之
華衮不榮家邀多厥說一時之簪纓踵接甚至從逆之
子亦得叙功久朽之骨猶希翻集今而後請核實而嚴
斥之可乎陳言稱衮所以竭誠盡職自事權不一因請
張四起荐廢視為奇貨武弁亦撻月旦條議侈口知兵
子衿咸黷冠裳今而後請核寔而殄絕之可乎天地生

財止有此數。邇來開採四出。山林恐滋伏莽之奸。催使分行郡縣。徒苦供應之擾。今而後請責撫按。以杜紛擾。可乎。朝廷有一事始設。一事之官。今庶僚添大僚亦添。少卿添正卿亦添。公堂無座。職掌無閑。何補。臣濟今而後。所議停止。以杜濫觴。可乎。鈐曹原稱冰壺水鏡臺省。更號鳴鳳神羊。若先舍垢穢。疵何以程。材指佞。邇來錢神遇巧。大典不光。今而後嚴申飭。以杜倖進。可乎。語多切中。時笑。

北兵至上蔡

命五城等衙門緝緝訛言從御史王愷言也

倭䟽言 皇上斬百大悲不如斬周撫雷縉祚二人者
妖所由興也夫真主既出海內帖然乃今日號稱某王
子明日號稱某皇后甚有狂妄豎于市墮王郎故智實
由二人譏訕新政造詈宮闈故訛言繁興若不立斬二
人恐浸假患叢藏書狐嘯叢野乘間竊發末言朱統鑽
天潢一派不忘王室阮大鉞帝心特簡矣忠圖報劉澤
清作國長城憂深肘腋人醜其言後懷仕北歷升皖撫
命封疆失事諸臣不分存歿俱着法司分別議罪

從兵科沈應旦言也

壬辰升工科左吳希哲史科都給事中

升叅政耿迎錄都察院右僉都御史巡撫四川

平鴻臚少卿高夢箕職命同王之明未虎等集百官廷訊

先三日薄暮傳旨訊偽太子一案限次日奏左都李沾

猶循例委御史於是張孫振何綸夏繼虞三御史登大

理後堂先鞠非礼也時虎新自杭城至未及見夢箕猝

被執孫振搜其懷中得夢箕侄成家書一封內有二月

三月往闕往楚等語孫振遂執為奇貨亟奏聞乃命各

官鞠之明等於建官民俱得入視甫訖忽靖南侯黃得功提塘前出所刊一疏有先帝子即皇上子若連處治恐東宮諸臣即識認亦不敢出頭取禍於是旁觀愈惑時得功疏猶未上也

命三楚各有司如期徵解以濟軍需違者着太監何志孔叅來重處

初志孔同御史黃澍面糾閣臣士英至是反奉溫綸蓋士英欲以調停左良玉也

命戶部行浙直各督撫嚴察所屬有徵漕根本色上倉兼

微折色者忝來重處

廢孫昌祚于國寶錦衣衛指揮僉事李天培指揮同知俱
世襲又庶田惟芝錦衣衛指揮僉事世襲千戶

命禮部將爲太子王之明會審一祭同東宮二王監號速

頒曉諭

從御史成友諫言也

關賊兵至潛江口馬步甚衆

命內員屈尚忠錦衣衛馮可宗鞠問童氏

先有童氏自河南至謬云帝元妃劉良佐令妻往迎叩

其顛末云年三十六歲十七歲入宮冊封為曹內監時
有東宮黃氏西宮李氏李生子王奇寇亂不知所在氏
十四年生一子曰金哥哺背為記今在寧家庄語甚鑿
鑿良位要信之跪拜如見后儀良位素悍妻聞之亦信
童氏由此愈驕凡所經郡邑或有司供饋稍畧輒詬詈
掀桌於地間有望塵道左者輒揭簾露半面大言曰免
間者駭嘆至京上以為假命送鎮撫司鞠初猶云真
及刑拷乃云周王妃誤間周王作帝故錯認耳說者謂
不訊之禁內而拷之獄中非體也

庚辰命考江南割委弁流凡由兵部督撫給奸猾不才與
由他衙門濫給者俱為民不法者拏究

從工科楊兆升言也

侯珣難修撰劉理順郎中成德一子入監予世錦衣者另
議

先是李邦華王章已獻世金吾至是兵部為范景文倪
元珣等請旨以為諸臣多閭部大僚謀國無能致茲顛
覆先帝斬焉不祀諸臣延世加恩臣詎何安命另議
命各鎮屯田有效比捷功優叙

命戶部嚴核錦衣衛冗役以省糜餉

旨謂祖宗朝文武廩祿俱有定制不應降給外又加公費又該衛旗尉儘堪服役不應每員更設跟役致入冗原餉錦衣衛馮可宗請募番役亦不許

昔南安伯鄭芝龍宮衛予銀幣鄭芝豹等加升另有差甲午罷加納翰林院待詔典籍五府經歷等官俱銷歸中書旨言兩部開納事例須照例國體銓規故也

乙未准左僉都御史郭純經回籍

工科右楊兆升糾太僕寺少卿錢元愬萬元吉等御史劉

勅疏糾尚寶司御史之格等命吏部核議

元吉拈据四鎮以勞稱糾之者過之格為吏部時徐耀
猶為龍溪令謂黃緣報入銓誤也

歷內臣高尚義劉進忠世錦衣千戶曹柱石等弟侄世百戶
御史黃錫衮疏叅原任刑部尚書解學龍兵部尚書張
縉考詔勿問

疏言學龍受梁兆陽數萬金以黃幣破長板縉考聞許
定國殺高傑卑騎逃避俱應提付法司報以已有旨

丙申刑科徐方米疏糾原任大學士吳然光祿寺卿許譽

卿等不問

既言駐聞 先帝之變謂失德失政宜為亡國之主又
因金光辰獻三萬金於高傑乞其疏荐舉卿昔在科把
持吏兵有許子不憚煩之誅又娶名娼王徽聰與舊狎
遊飲為賣奸之正人君子人晒其言

准提督倉場戶部尚書賀世壽回籍

工科吳希哲疏言世壽曾署刑部勘問從逆乃伊子王
盛寔以太僕寺丞受偽官何以服從逆之人之心疏奏
命法司察明世壽緣此去

賜掌翰林院曾勲銀幣回籍守制

御史郭貞一疏叅通政使劉應發命自行回奏

疏言應發當先帝丙子年黃緣掌選點貨無厭降南

礼曹尋營躡南考功又復謀轉南廩秩高御史劉熙祚

所劾先帝飛旨罷斥然鑽刺之術到老彌工好利之

迷人言不恤自其再燃灰猛重推銓衡有言其縱子及

壻招推納賄者有言其遇大選急送每日於揚中書家

對銀兩者有言其恩例副榜揀擇地方考定危疆依舊

送監者有言前人之推補未幾扣除出缺經手之題註

已明究憑勒索者有言其任子之聲價未必皆苦而多
獲名郡者嗟之設官分職所以牧民今其存者不過江
南數十縣甌越諸省數百縣而已年有選月有選日有
選今皆以官爵行賄其何瘳之有非錢皆不可得官非
取之百姓又不可得錢蟋蟀聲聞夜行有虎哀此黔黎
昨羊墳首何物可供子大夫之求者以貨賂言之竊賄
為盜以名器言之盜器為數盜之名為大盜德固當
籍資索以佐軍需投饕餮以樂魍魎又惡可司帝命之
郵乎乞論賍正罪以戒墨吏疏奏人皆快之

命戶部開局廣集心計之臣講求屯鹽漕三項以資國用
兵部主事陳震生疏陳時政報聞

疏言今日得節之道當自君身始宮殿差構各工似宜
暫緩由此類推宮中省一分之費即河上受一分之惠
況今事例雜開有前代行之而本朝從不踵舉者如權
酒酤之類是也有本朝未行并前代未聞而創舉者如
納銀准考之類是也事例出于萬不獲已復有增加情急
勢窮則大受將作況中費出而所用之月濫者多部務
煩而奉差之弊懸者衆似宜減清以省需求臣歷稽往

牒無不以輕徭減賦興後業稅重亡熬罄膏盡其端乃
減夫民命國之膏也教語皆切至

戊戌予礼部左侍郎贈尚書罷景淳廢

時已有言天啓前諸臣不予廢以景淳文章德業冠絕
一時故

是授李希沆兵部左侍郎

命總兵放敵安北防池口以固上游

提督張繼彥奏復南陽府

命黃斌卿以原官掛征蠻將軍印鎮守廣西

貳卿至是一年五調矣

復山西巡撫耿如杞原官

初如杞為賊方時黨於兵部尚書張鶴鳴力詆經畧熊廷弼人皆尤之及以不拜魏璫生祠坐辟風節矯、後為晉撫以虜警入援駐德勝門而提兵張鴻功兵潰良鄉坐是同辟故雪之

己亥徙崇王於福建福州府諸藩散處吳中者俱別徙時禮部因崇王自請速徙送差刑科都錢增奉收獎諭以以勵各藩

命頒 先帝東宮二王及懿安皇后謚詔於天下

懿安謚詔至是始頒礼部尚書錢謙益為詔云既慷慨
以捐軀復從容以就義得之矣

更謚恭皇帝曰孝皇帝頒詔天下

命覆訊王之明等

時三御史登大理寺堂安聖旨于中三法司與錦衣衛
皆側坐御史坐稍後前此未有也指揮皆由張孫振左
都李沾雖堂官無如之何夢箕到咸以甘言誘之明以
嚴刑加虎然明旨所云二月三月所成何局往閩往楚

欲幹何事、并主使附從、寔繁有徒、尋詣皆抵死不供也。先是夢箕曾為史可法買硝黃、有欲借此賄可法者、至是夢箕一無所及、惟口辭之明、仰天嘆曰、我為無賴子所誤耳、然一念痴忠、天地可鑒也、乃以投高成等請命、該衙門將王之明加意護養、弗驟加刑、俟明告海山、然後法。

庚子起察處浙江右布政顧燕貽

與察處原任袁州知府宮繼蘭等俱以不謹雪

降御史郭貞一一級調外

劉應寶素與馬士英阮大鍼等比恐不處貞一則言者
蜚起至是應寶既群衆詆貞一營求考選扶憾妄言謫
之應寶偵知貞一疏出糾臣吳道子因恨適入骨與大
鍼共圖報復矣貞一復出疏糾右通政宗敷一拒不受
御史以彈貪論者貞一一人而已時臺班敢言惟沈宸
荃與貞一齊名宸荃先以年例外轉

追封故成國公朱純臣舒城知縣王援英國公張輔封王例也
初毅宗聞城破傳殊諭至閭命純臣提督內外諸軍托
以來宮會閣臣俱出遂留之禁上然純臣不知也已而

李自成入見之故純臣即日被殺。至是忽命贈王。比之
張輔說者謂伊子元臣南甯議處懼不得襲故欲崇純
臣以自為地也。又贈鎮遠侯顧肇述鎮國公永康侯徐
錫登永國公西甯侯宋裕德甯國公定遠侯鄧文明淮
國公懷寧侯孫維藩懷國公彰武伯楊崇猷安鄉伯張
光燾俱贈侯。南和伯應襲方履太為南和伯。襄城勳衛
錦衣千戶李國祿為中軍都督府僉事。外武定侯郭培
民陽武侯薛濂宣城伯銜時泰清平伯吳遵周新建伯
王先通等五人以應襲者未至。仍題會同亡不襲。

命靖南侯黃得功移鎮廬州與廣昌伯劉良佐合力拒北
兵

辛丑准首輔以難辭太保銜

命三品以上京官俱從公糾拾從吏科都吳希哲請也

江楚總督和繼成疏請求弘勛命專意防勒

疏言頃接邸報見臺臣袁弘勛有疏追論要典三衆侵
及於臣我神宗皇帝之慈愛光宗皇帝皇方恭皇帝之
孝友父子兄弟歡然無間前此諸臣雖風影傳訛立論
偏等然皇上中興辟敵海內嘉興維新弘勛必欲撫

羅往事鍛鍊深文批捕殺機尋蒙泉壤掩君相寬和之
盛美伸一己報復之私臆平旦自反得無甚乎總之
皇上之所開揚者列聖之慈孝弘勵所借攻擊者人臣
之私隙若非聖主覆載為心門戶株連之禍將又有不
忍言者臣始終願 皇上堅持聖志採納前疏命諸臣
後私聞而急公仇無以有用精神耗之無振口舌疏奏
人服其議然弘勵既已不行專意防勦可也

升應安巡撫程世昌太常寺卿

往例巡撫無升太常者因為民阮大鍼先往謁世昌不

親奉而送外故恨至是特重處世品托大鉞脩救解乃
必名升定抑之且為大興池也

選礼科左陳燕翼行人韓元勳冊封琉球

晉提兵鄧洪超太子少傅賞銀幣

以屢著戰功也

命嚴訊從逆各犯求到與續叅諸人俱嚴核

壬寅上祭 先帝先后於奉先殿舉哀群臣皆祭太平門

外以東宮二王附祭

時群臣多哭失聲誠意伯劉孔昭哭畢倡言曰阻駕致

先帝崩者光時亨今霜露已移而視息猶存何以慰在
天之惻言已又大哭將散既大鉞始傳呼而至督輔可
法疏言臣聞去年三月十七日賊逼都城先帝仰天
長號透殿環走拊胸頓足嘆息迫宵大呼内外文武諸
臣誤我誤我倉皇召對人亡戰慄無策喋不發聲乃政
事之堂尚在講門戶謀賄賂講起用教復講美缺危疆
大抵舉朝之精神才力提不出此數端遂至釀成地圻
天崩之變嗚呼為臣子者尚忍言哉臣待罪南極于義
應死其偷生以待者亦謂徒死無益不如捐竭項踵戮

力行間生致賊渠獻之闕下然后一死明報耳今受命討賊已十月矣。註營不為不文。事捷不為不專。責餉不為不多。用人不為不盡。而心腹之憂。轉劇。指臂之運。不靈。株守近畿。漫無遠畧。聞賊東逼。一矢未加。清夜捫心。恨不即死。因念春秋之法。凡賊不得仇不復。則君不書矣。臣不除賊。寢吾枕戈。無時而終。且於未能復仇之臣。子深加貶絕。一書再書。不諱誠恐久之。則玩為常事。安之則無復憤心耳。且載觀於書。宰糾一例。則責相尤嚴。於四年七年。執書二時。則責大司馬。倍凜臣謬以相而

兼掌大司馬職者也。聖人于宰紂既降書其姓氏。今微臣敢復列於冠裳。在天時尚徑削其秋冬。在師師敢仍存其爵位。所以者。明大仇一日未討。則為臣子者一刻難容於天地間。今日首先伏誅以謝天下。非臣誰責。伏願皇上重處微臣。以為榜樣。一面明布大義。弘張天討。務期掃清氛穢。收復神州。庶幾虜逆冠不至笑中國為苟安。而輕朝廷為無人也。臣草疏甫畢。哀痛不勝。邇流窮源。因致追恨。諸臣誤國之事。非一而門戶二字寔為禍首。從門戶生吟域。從吟域生恩怨。從恩怨生攻擊。

所以春秋之始首嚴朋黨之誅而門戶之名竟結燕都
之局試問山陵安在 先帝后梓宮安在血胤安在猶
暇乎論朋是閑非擇耶孰利孰害哉覆轍在前可為炯
鑒伏願 皇上中戒諸臣毋講門戶講賄賂講起用報
復講美缺充疆合内外文武大小臣工一心專講春秋
復仇之大義若此後文臣猶愛錢武臣猶惜死照眈必
報鬼蜮為姦將天道必為降凶而國法亦難曲貸矣
癸卯升應天府丞鄒之麟都察院左僉都御史

吏部推江督袁繼威刑部右侍郎不允以陪推原任浙江

李漢金
巡撫羅汝元為右侍郎

時疑繼咸比左良王屢疏與時局抗托為均勞逸之言
欲移之內蓋將伺其入而甘心也 上不允越數日再
推戶部右侍郎終不允遂用汝元汝元先撫浙以海賊
劉香為亂失機處

東平伯劉澤潑奏李鳴啓自北歸

明曆當間逆入都魯殺太後仙北為礼部左侍郎其謚
先帝懷宗端皇帝脩十六字又謚周后皆所擬也已以謚
遂遂泛海南耶疏中所言間敗後屢通勒入朝見虜酋

不拜幾被殺幸乘間渡海逃歸者皆飾詞也既抵南都
與同志阮大鍼等訓飲城外數日竟不入覲識者非之
澤清疏言明辱不附聲勢乃自北而南陳名夏素附聲
氣乃自南而北逆奉旨察奏時名夏入北已為吏部右
侍郎

加巡撫湖廣王驥提督軍務兼理糧餉銜

命三法司覆審王之明等

高成已自抗郡解至後獲刑鞠所言閩楚含糊而已回
奏命再訊夢箕惟請死是日夢箕與之明始刑時上

恐諸鎮心疑命其提塘官潘茂斌等隨審又命舊東宮
伴讀太監丘執中往認之明見執中亦不識也于是群
廷稍解然御史張孫振等猶持閹楚語甚堅獨大理寺
卿葛寅亮密言曰公等度鄒廷○兵○加○能○聲○左○良○玉○鄭○芝○
龍○之○罪○而○制○其○死○命○乎○若○其○供○也○含○忍○則○無○法○搜○剔○則○
激○變○耳○孫○振○等○始○微○悟○言○之○閹○臣○士○英○自○此○不○復○究○矣○
初刑部尚書高倬擬稿必詣正院寺三御史亦往獨孫
振縱筆塗抹手自為稿入告皆其擬也

命兵部着鎮臣黃得功提塘官將得功原疏立燬以絕奸

燭故有仍前僞言者兵部擒挈正法從戶部侍郎何楷言也

初王之明以僞太子至楷同聽時見阮大鍼等軒輊狀密語工科都李清曰若輩固無人主矣太子至其懼而少戢乎猶清流幸也至是實見之明假方請燬得功刊疏刑科却錢增亦言十惡之條莫大於無將恭聽之法莫慎於朝審初看驗於衛臣私寓則之明之詐冒已炳再會審於衛司法堂則夢箕之勾尋愈彰手書現存百喙難解今讀聖諭云朕痛念先帝身殉社稷血胤猶

存當體天地祖宗之心加意撫養仁哉聖心乎若果係
先帝青宮相見一堂其執手抱頭一言泣數行下者不
知如何酸感宮府夢箕欲遠送辭遠為存活計是誠何
心哉明視朕為殘忍寡恩之主斯諭一出夢箕何地可
以自容律以國法立刑何辭乃 皇上猶以為一日成
業集不如千秋信史為確也文武大小諸臣之質審不
如薄海內外愚夫愚婦之傳頌為公也茲既公矣既確
矣臣愚謂之明猶可貸須臾之死而夢箕斷難偷一刻
之生今試再詰夢箕如果是東宮使當奏聞朝廷安頓

撫養如何要送僻遠所在詔誦天言更於何處旣古惟
有點額耳且自夢箕陰謀敗而一番訊奏則一番詔諭
雖石頑水壺亦當頻聆慈愛聖諭而恍若有醒況在血
氣心知之倫能無感動伏冀勅下法司刻期定案盡斬
葛籛再傳示閭閻諸臣亟行采錄宣付史館仍鐫板成
帙頒布海內皆從之

甲辰封黃九鼎雄中伯加黃金鼎都督同知
俱故后戚也

寧南侯左良玉再遣使告急命袁繼咸整頓兵將相機應

接仍詔黃得功劉良佐并應皖二撫俱戒嚴以候遣調
時聞賊離襄陽至沿江渡口離省僅四百里左營遊擊
韓友接見兩岸中流皆賊馬步走回仙桃鎮良玉恐犯
武昌乞亟發各路援兵合剿蓋已不支矣

乙巳再叙殿工加督輔可如太師首輔以兼太保次輔鐸
少傅又加舊輔弘圖即各太子太傅工部尚書何應
瑞少保餘部科加級俸有差內官歸第等俱各賞銀
幣不等

祭惠宗孝慈皇后及太子詣王于興宗陵

以太廟未建又奉先殿不設位故帝后皆附祭於陵二百餘年一祭而已

存問原任南戶部尚書于仁廉誠意伯劉孔昭請之也仁廉在籍主不能舉火

丙午復故輔溫體仁官階并議雪故輔薛國觀等

從兵科左戴英言也國觀性執緩與門戶相仇故為吳昌時所阱然無點聲追貶則過會國亡不果雪

加兵部右侍郎知加興尚書兼都察院右副都御史巡撫應安等處地方

後北兵破金華大典自焚死

命工部勒限造奉先殿琉璃瓦

命以王之明童氏二案當明畧節宣布中外

初二事紛々人皆言上之薄閹臣為內臣之逢迎至

是劉良佐復言之有太子先帝遺血童氏皇上宮

闢所係趙涕泣保躬等語旨言朕前后黃朝天經妃李

殉難俱經追謚且朕先為郡王何有東西二宮至先

帝與朕初無嫌怨豈有利天下心害其血胤但太祖

天潢先帝遺體不可以異姓頑童溷亂宮闈風化所

閨豈容妖婦闖入因令法司以畧節播告時上慈寡
斷內外群小日橫致流言喧民間故一太子至皆喜而
二三民望言足徵信如高弘圖徐石駉劉宗周輩又無
立朝者故愈疑愈辨愈疑上不得已發士英留中疏
昭示臣民蓋初聞太子至議保全語也然亦無信者
丁未准罪廢訪臣諭納復官

北兵破歸德巡按御史凌驪及其佐潤生死之

初驪不肯附鴈倡義臨清復來昌一府北兵破闕授兵
科驪伺間南歸授御史初按東魯已非我有再改按豫

抵任未一月叛帥許定國李際遇等已勾北兵抵岢德
群官皆迎降獨嗣不出欲飲毒北帥宣言不生致凌御
史屠城嗣嘆曰興慷慨而死及小民何如從容而善全
大節遂車騎往見任潤生亦義勇於色執轡相從北帥
諭之降誓不訴拘於別幕嗣慷慨謂潤生曰吾與若輩
危倫匹猶欲據此一塊土為江南藩籬今已矣乃遺書
北帥言節不可屈武不可黜宜歛兵江上盡為南北不
爾當素車白馬飛洪濤以擊尔軍復作絕命辭百餘言
與潤生同縊北帥曰忠臣也禮葬之而府道兩官之降

者皆以不忠被誅潤生儒服從戎人尤義之尋命優恤以國士不果

戊申左良玉舉兵反武昌

先是江督袁繼咸密遣戶部侍郎荷楷戶科倪嘉慶等言言良玉勢成時重寵溢不賙賢者所難朝廷宜稍加督撫指示相維勢二人言之當事漠然也至是因偽太子一案喧傳楚地有言薊國公吳三桂送太子於史可法可法又轉送興善寺者有言上遣二監韓贊周虛九德性識認見即叩頭獨馬士英性視以為偽者又有言

舊講條方拱輿出嘆息聲幾得罪者然可法寔無此事而士英則借諸臣視非獨視若拱輿又士英遺書阮大鍼自蘇州召認亦未以嘆得罪也良玉聞之疑䟽言此事未可決于二三左右應決於國人天下仗太子不失王封皇上不失至德群臣不失忠盡等語及再䟽至乃云束身赴閔代太子受罪雖錄訊詞以示疑自若也適下錦衣衛刑鞠窮詰之楚之閔狀中外駭謂大獄將起時黃澍在楚心叩士英而良玉訪部將又畏閔逼力贊良玉反遂偕太子為名焚武昌泉下

戶科王士錄疏叅工部右侍郎易應昌太僕寺卿楊公翰
命已之

應昌素負興望至是耄矣初抵部外戶科戴英糾之不
辨亦不抵任至是為士錄所糾次日遂謝恩亦不辨人
以為鳳德之衰

命軍機處大事情方從文書房封進餘仍由通政司

命禮部將各藩散處浙直者俱另議他徙其藩祿額數并
酌定具奏

命提兵方國安掛鎮南將軍印

命戶部將催餉各官郭符甲等卽盡行撤回其催漕者一併容裁

蓋慮其擾民也惟督餉官紀騰蛟等暫留仍令該撫按察其有無賒擾俟差竣奏奪

御史劉勰疏糾在獄光時亨等命速行問結

疏言臣捧讀大仇未復無涕可揮之旨知皇上創鉅痛深志梟寇虜而今疆場之事日復一日屢不及於空車車不及於蒲胥宮闕久湮二求望絕以申包疾號之師蹈高克翺翔之轍臣恐朝氣日銷兵日惰餉日虛器

械日損羸馬日損倘更閱歲時師老財匱何以巨復至
升驢使過自贖之臣失之東隅則當求之桑榆昔者棄
甲而未下閭丹漆今則交綏而至率彼虎兇若夫兵不
先人功不立奏以贖罪為藏死之地畏首畏尾身其餘
幾嗟嗟呼吸時不再來此臣所以痛念復仇願效他山
也抑臣猶有追恨焉 先帝廷議南遷閭臣將行而先
時身力阻不果乃 先帝以堯舜之資議作太王之避
固有惻乎不得已者阻之誠是也然天崩地圻丘瀕滿
宮衣劍弓裘曾無正寢而時亦不肯以一死謝 先帝

星移物換罪人未誅在天之靈目將不瞑況今山陵未掃一望陸沉俯今思昔淚盡繼血乞勅封疆諸臣奮力同仇日切先鞭之思仗過諸臣斧鉞在頸宜切後時之懼并嚴諭法司明刑飭法立正通誅之典疏奏俞之時諸臣皆以阻遷罪時亨劄勅不罪其阻遷而罪其不以一死謝阻遷洵平論也

命吏部將京職五品以下官員照嘉靖萬歷元年例會官考察

時虜寇交迫國已累削部院伯卿御史張孫振言以京

察請東平侯澤清疏請已之報聞

安遠侯柳祚昌舉原任尚書司丞范鳳翼等革下所司

鳳翼與礼部尚書錢謙益善欲典起用吏部尚書徐石麒

寢之至是以祚昌疏荐

命於次月初二日辰時頒敷宗皇帝孝皇帝及東宮二王

慈詔

命督輔史可法會同靖南侯黃得功將漕米羨餘散濟虛

屬饑民

督輔可法疏請諸臣亟化朋黨共圖征討大計俞之

此疏前卷已載
少者有數語不知
何人書云

疏言屬者天方降割、遘茲閔凶、真主挺生、中興啓運、經綸裕於草昧、多難易以興邦、海宇欣、想觀盛治、乃歷時七月、徒煩宵旰、憂未有廓清勝著、今北使言旋、敵兵踵至、和議已斷、無成矣、向以全力圖寇而不足者、今復分以禦敵矣、際此時艱、憂心欲絕、然歷觀往代表衰亡、莫不因和自誤、今敵之拒我、正我所以自奮、與天所以成我之時、特在人心一轉耳、從來中興大業、不外于君臣一德、內外一心、當此危急存亡之時、可無同舟共濟之誼、臣嘗慨唐宋門戶之禍、竟與國運相終、即使所

用皆亦已廢却一半。況以意氣相激化。成恩化恩怨。一
生釀成殺逆。近來之事。殊堪痛心。今時極艱危。為臣不
易。官之久者。其負罪益深。仕之尊者。其得禍更慘。有心
之士。方以此為危身積戾之場。而無識之人。乃以此為
快意尋仇之計。即使藏怨宿怨。孰有深於戕我君父。獲
我邦家者。不此之仇。而猶修怨。此之微嫌。快升沉于轉
轂。此之謂不知類矣。謂宜虛心平氣。還之大同。何人寔
是幹濟之才。何人寔是清修之品。無尋題目而開媒藥
之端。無捕風影而肆株連之網。務得海內真正才品。舉

而置之鈞衡中朝之舉指咸宜聞外之嫌疑自化此臣
所望於廟堂之同心者也昔唐室創興時則有若李郭
宋家再造時則有若劉岳張韓極其勲名悉垂天壤今
之藩鎮何多隳焉若當患已剝膚尚以賊貽君父諒非
諸鎮所忍出也然大將所定者惟志三軍所鼓者惟氣
志不齊一氣不奮不揚雖有賁育之雄如林之衆莫能用
也試思先帝之待諸鎮何等厚恩皇上之封諸鎮何
等隆遇先帝之罹賊難何等苦慘諸鎮不能救先
帝于難何等罪過釋此不問自美干戈是猶舍父母之

仇尋卿隣之間也。忍乎？今和敵不成，惟有言戰。非諸
鎮之事。誰事必皆以 皇上復仇雪恥為心。簡乃車使
報乃甲冑，朝營夕美。寇敵是圖，其未至也。何以伐其狡
謀？其既來也，何以禦於河上？某所當者危地，而我必急
以往援。某所爭者小嫌，而我必先以大義。田單報燕之
曰：將軍有死之心，士卒無生之氣。廉蔺刎頸而定交，子
儀釋憾而泣拜。諸鎮豈不聞乎？此臣所望於閭外之同
心者也。然閭外所視者朝堂，朝堂所視者主德。我 皇
上中興未就，大仇在身。凡一舉念一圖事，二祖列宗

鑒之恭皇帝烈皇帝鑒之尤望深思痛憤大渙綸音諭
諸臣以怡堂必不可安積習必不可扭乘此敵謀巨測
我武未揚在內宜定籌兵紂以取薪嘗胆為生機在外
宜力捍封疆以江北中州為死所古人有言不本人情
何由興復今之人情已大可見撥亂為治轉弱為強在
我皇上一振厲問耳

命法司行所在撫按嚴緝原任提督侯恂及其子方夏從
東平侯劉澤清請也

疏言恂巨貪漏網降賊通誅復令伊子方夏交通於已

重賄賣緣故命并緝之

戶科給事中張利民疏糾科臣時敏命緩之

旨言候興屯不效議罪

御史王大捷疏糾原任鄜撫陳睿謨楚撫王聚奎沅撫李
乾德命寢其奏旨言睿謨聚奎當荊州失陷時尚未抵
任乾德現理餉俱不深求

己酉升光祿少卿錢繼登都察院右僉都御史總理兩淮
鹽法兼督江防軍務罷巡鹽御史

營大善殿

晉黔國公沐天波官銜二級仍廢子入監

左良玉既糾提兵方欲安諭解之

時國安倒身問臣士英每至京輒酣飲其第至是良玉
奏其假已旗號力攻之蓋欲借為兵端也

命嚴汰各督鎮監軍監紀等官以後不許妄題

贈興平伯高傑太子太保庶一子世錦衣百戶

工部尚書何應瑞請加派錢糧以資濟河不允

旨謂一經加派便相沿為額祇供官胥侵蝕故也

庚戌補考選黃鵬仰礼部儀制司主事

贈光祿寺卿史弼工部右侍郎廢子入監

命大理寺左寺丞李清祭南鎮光祿寺卿王應華祭南海
禮科都羅志儒請定毅宗陵名命禮部酌議

時志儒商之大理左寺丞李清：曰既改新廟號宜以
故廟號名陵曰思陵志儒是之

辛亥贈故輔李棟少傅廢子尚寶司丞命予謚

以國亡不果

復原任御史劉呈瑞原官尋補廣東道刑科徐方采所荐也

呈瑞崇禎時巡按順天以北兵入削籍

升太常少卿張作揖光祿寺卿王應賓太常寺卿提督四
夷館

作揖後降北為光祿署丞

命臺省疏薦諸臣須加嚴核不得濫行添註

御史陳以瑞疏言故輔溫體仁之清忠與延儒懸殊即
當天啓朝故輔魏廣微亦自矯，因逆璫逮楊廷諸臣
於詔獄獨揭抹璫怒拂衣去亦豈得與早穢頗東謙同
日而語疏末又薦黃承昊陳獻策郭必昌等俱奉旨嚴
核初以瑞當天啓時攻門戶甚力御史張孫振欲俟其

至昇以掌道至是對御史喬可聘深悔前過孫振喊糾
皆不應怒而止

壬子准督勅可泐辭免太師

命廷試貢生仍分送國子監不得沿崇禎例授官

命設官蘇松海口以收洋稅

從閣臣士英所請也

廕左良玉一子世錦衣

廕丘鉞一子世錦衣指揮僉事

北兵破潁州太和縣

陞都督方國安一級廕一子世錦衣千戶

士英署兵部叅視金吾不及敝祿濫請者甚衆不能枚
舉也國安為士英私人

加李本身太子太保左都督

以北警頻聞命督輔屯法馳抵徐泗

四月癸丑朔革御史王孫蕃職為民劉憲章法司提問

給死難諸臣中佳胤等三代誥命

減臨淮侯李祖述祿三之一以祖恭免死罰朱元臣俸二

年

加淮寧侯孫維城太子太傅襄伯常應俊太子太保應俊仍族子

壯高傑子元爵襲封興平伯

衛胤文欲聯高營心故請之

命嚴緝從逆侯恂

劉澤清糾其遺子求解重賄寅謀故也

杖犯人詹有道一百仍立枷三月

以擅闕宮門口出穢言

卓錦衣衛僉事趙世臣職掌班等提究

時僉官等官准狀拘人兼以人後詐謫先有旨詰掌錦衣衛馮可宗至是世臣復准狀改糾之

丙辰惠安伯張永志疏糾文選司郎中陸康稷詰責之康稷掌銓執與臣干請不遂嘆承志糾語甚黠

命兵科右吳迺回奏

先是督臣楊鶚撤回這薦鶚可仍撫荆兼督黔蜀有聞與鎮臣良玉慷慨同仇共矢夫執諸軸臣夾琛票旨回奏時傳良玉已反故也

准徐久爵襲封魏國公

左良王兵破九江是夜死

時江督朱繼成聞賊南渡恐由岳犯長沙則來吉危
乃以劉林奇郝效忠陳麟三將守九江自統副將汪碩
畫李士元等援來吉已登岷矣聞良王反復旋九江移
諸將家入城繫兵心諸將列兵城外拒戰九江士民環
集言衆寡十不及三激之禍不測不若俟良王至諭以
理諸將歛兵入守相機而行繼成曰入城示弱不可乃
逆升郝效忠則已不待令隨家口先入矣良王舟抵北
岸書言願握手一別為皇太子死九江士民泣請繼成

往舒一方難繼咸曰寧而語雖願舉動與前殊往必墮
計士民請益堅遂同監紀余有灝會良王於舟中良王
言及太子下獄事大哭次日舟移南岸繼咸以良王入
城不便同各鎮以卑將往良王袖出皇太子密諭叔諸
將盟繼咸正色曰密諭從何來 先帝舊德不可忘今
上新恩亦不可負良王恚有灝陰躡繼咸足遂不復言
與良王成賓主禮別約不破城繼咸歸集諸將城樓洒
泣曰兵諫非正晉陽之甲春秋所惡可同亂乎已說寧
南易檄為疏乞札候旨矣時繼咸方約諸將堅守而效

忠先陰與良玉約部將張世勲又故與良玉部將張國柱善潛弔其兵夜入城縱火世勲與效忠遂夜半劈門出諸將惶罪俱出城與良玉營合良玉兵入城殺掠婦女財物俱竄捧去繼成正兒蒙帶將就死黃澍入署拜泣曰寧南無異國公以死激成之大事去矣副將李士春密曰隱忍到前途王陽明之事可圖也繼咸以為然出城面責良玉良玉疾方劇望城中火光大哭曰予負袁公嘔血數升是夜死秘不發喪兵推良玉子夢庚留後急移舟東

北兵陷泗州

初北兵破歸德猶盤桓未下徐州兵民咸驚潰總督王
永吉急調閭標及甘肅團練救之忽奉睿旨急撤入衛
於是各兵徑趨江上徐州寂然矣乃上言北兵已入虹
縣距泗州二百餘里萬一泗河不守則闕入盱眙盱眙
眙東南一路從都官堂可達淮安正南一路從連塘可
達揚州西南一路從天長可達六合至浦口不但淮揚
難支且向江干問渡矣乞勅總督衛胤文提督劉澤清
等以全力守徐泗保全江南尚存門戶却以江南全力

防寇防敵庶不至四面受敵也至是失

命兵部尚書阮大鍼誠意伯劉孔昭帥師禦左良玉

良玉兵既下方國安時鎮池口倉皇報良玉反阮大鍼
遽張示於外極詆良玉父子濟愚良玉一面舉兵一面
遣祝士英生辰數日內疑信相半也大鍼與孔昭請師
師出而黃得功札至亦云誓掃大逆大鍼出以示人人
心稍安然皆不知良玉死也

丁巳命予原任都御史劉廷元等贈謚祭葬廕子徐大化
等贈廕祭葬有差

時現存唐世濟等已次第起用左副都楊維垣復疏及死者謂宜亟卹於是吏部尚書張捷言欲白後梁之臣罪先明前梁之臣忠前梁者何三朝以來有張差李可灼王安諸案是也後梁者何魏忠賢伏誅案內有真党惡真害人者是也自神祖中年束宮未立言國本者自是忠愛至論及國本既定言者不止有君老附世子之嫌不避也猶可言也操我之名必毀人之名躐我之位必傾人之位始於一時之風影成於衆口之吠聲上誘君父下誣同朝不可言也其曰某趙宣某許止亦無是

事群附和以寔之其曰某建祠其誦德原有的確而扯
及無干則誣矣今前後累所錮與門戶所擯如憲臣楊
維垣疏列劉廷元呂純如等皆可誣為亂賊指為群黨
豈知紅丸議起正終正始之論止有三疏議單百數十
人不阿時論者十餘人而已劉廷元首以風魔定張差
案其為舉朝側目者此二字其善處先朝骨肉者亦此
二字呂純如忝閑蕩時內臣高家手劔叔撫臣驅車馳
至徐把臂奪劍遂定其變忤時齋志輿論惜之黃克齋
傾命之際以親見折紅丸之謗霍維華王几之際烹廟口

稱信王維華高聲承旨出召 先帝而社稷定徐景濂
紅丸移宮一疏明目張膽發舒三朝慈孝王永光為太
宰鐵腸冷面瑤紈時一疏數千言侃、論列許昌臣為
考功亦倣此意撫晉時終日馬上殺賊多俘勦功徐紹
吉綱羅三案勒成要典分別諸臣功罪最著至于徐大
化徐揚先章光岳岳駿聲范濟世徐卿伯以至憲臣甄
所未及尚有楊所修劉廷直姜憲麟陸澄源王紹徽徐
兆魁喬應甲總皆獨立不傍門戶臣也而章光岳
清修功骨尤稱表、楊所修正色昌言罷官居家罵賊

遇害臣竊有進焉者前乎國未與辨惡者豈非同忠於
光廟而何以袒分左右惑也前罪王安與後罪魏忠賢
者豈非惡惡同汚而何以仇若敵國又惑也王德完持
國本之論於是杖之下大呼中宮安則皇長子安皇長
子安則天下安僥身後之卹與未脩可無念其人乎輔
臣韓爌以預命親見折札卿經年臆說宣付其疏是非
遂定後來定逆案雖非然前疏所關不少今寔錄未採
可廢其言乎愚臣為諸臣發憤或未暇及此故臣等敢
平心拈出補此一段公案時全予者廷元純如組華德

完克鑽永光所修光岳紹吉景濂准贈蔭祭葬者大化
濟世贈官祭葬者楊先廷宣鼎臣駿聲卿伯應麟復原
官者紹徽兆魁應甲澄源共二十二人廷元所修紹徽
兆魁紹吉維華純如濟世駿聲大化應甲皆累中為民
而應甲撫秦貪又不列原既人以為濫

左夢庚兵破建德縣

升廣西按察使葉重華太常寺少卿廣西僉事林銘嵩光
祿寺少卿

加誠意伯劉孔昭太傅

命御史劉繼慶巡按應安

繼慶先令懷寧阮大鍼所醜也故用之後降北為安慶
迎僉事

戊午寔授梁雲擢兵部右侍郎起升原任陝西巡撫李喬
兵部添設右侍郎起原任光祿寺少卿周宗文原官

喬先撫陝西以按臣糾戍雲構後降北仍為兵部侍郎
命江督袁繼咸以劾王之明寔錄昭布中外

初繼咸以太子一朶見疑左良玉恐白大蒙乃疏言太
子真偽非臣能懸揣真則望行良玉言偽則不妨從容

審處多召東宮舊臣識認以解中外惑踈未達而良王
已反至是方達故即命繼咸昭布蓋疑之也時督臣何
騰蛟亦同時言之然無深求者

左夢庚奔破彭縣沿途殺掠甚衆舟楫連二百里

命提童氏隨後解京訊實

初傳至童氏者為庶吉士吳爾勳至是命提訊因放用
督輔可法軍前為請符免褻衛伯常應後隨上藩邸一
跪童氏皇嗣絕無影响然外疑愈甚初閣臣士英聞童
氏至曾擬跪欲上言 皇上元良未建奸黨宗藩尚懷

觀餽若果真當迎立氏歸宮密令河南撫按設法迎致皇子以消奸宄若謂立氏流離失散不使母儀天下則當置之別宮撫育皇子昔漢高祖間基吳主也呂后為項羽所獲置卑中者數年唐德宗母為亂兵所掠終身訪求不得宋高宗母韋氏后邢氏皆為金撈韋氏終迎歸邢氏亦遷加后號古帝王遭時不造如此等事多矣況童氏寄居民家何嫌也疏成以從龍諸臣皆云詐偽且潛邸宮人無生子者遂止至是復刊其疏欲自明人終不信也

已未升光祿寺卿初逢吉戶部右侍郎兼都察院右僉都御史總督倉場

逢吉素與周然隙逢人肆詈故得遷又說兵科王士錄糾史可法郭維經韓贊周等或沮之乃止贊周識大體雖司禮首員然以從龍屈尚忠等橫持之不得移病而已

左夢庚兵破東沅縣

加湖廣巡撫王驥兵部右侍郎

時甫離京師也

沒守制太僕少卿張如憲贓充餉

如憲開左良玉內犯倉皇出都資裝甚盛守門內臣發
覘珠璣燦目群攘之立罄匿以銀七千兩聞各衙門原
解印封尚在然以秉憲潁州與閭臣士英共事故僅沒
銀充餉而已於是內臣以宦索為奇貨日肆搜求矣戶
科聚利民既糾如憲報聞

命兵部尚書阮大鍼會同黃得功堵剿左孽

時督輔可法亦集兵策應未幾渡江將抵京師會得上
游事訖可法毋留京師咫尺不得見說者謂士英首輔

擬斬的發雲南金齒擬絞的發廣西地方充軍各終身
軍罪以下為民永不叙用有謀寵荐用者以本犯原擬
之罪之三人逆誅後北兵入南都孫振亦迎降過
市○人○詆○之○曰○若○非○前○訊○周○鍾○等○掩○面○號○呼○為○逆○賊○詈
不○已○而○撲○者○耶○今○亦○作○此○面○孔○何○也○孫振無以應

賜周鍾雷縵祚自盡

旨言其結黨亂政解引外兵別國擁戴故也先是左良
玉內犯疏言臣提師在途恐百萬之衆發而難收震驚
宮闕且聲逆賊馬士英罪狀正告陛下自先帝之變

士英利災擅權事、為難逆案 先帝手定士英首翻

之要典 先帝手焚士英復修之罪一越其餘以貪罪

造成不一年立陞部堂張孫振以賄污故不數月夤緣

僕少表弘敷與張道濬同貽獄論罪借起廢徑復原官

他如楊文驄劉泌王燧黃鼎等罪等叛逆皆用之當路

罪一已為首輔用腹心阮大鍼為添註尚書又募死士

伏皇城說名禁軍勅曰廢立由我罪一陛下即位初恭

儉仁明士英百計誑惑進優倖如傷損盛德罪一引

用大鍼匪貳殺人如雷縱祥周無等燬煉周內株連受

引○尤○其○甚○者○借○三○案○為○題○將○生○平○不○快○意○之○人○一○網○打○
盡○令○天○下○士○民○重○足○解○體○罪○一○目○今○皇○太○子○玉○投○受○分○
明○士○英○大○鉞○一○手○掣○定○抹○殺○的○識○認○之○方○拱○軋○而○信○朋○
謀○之○劉○正○宗○忍○以○十○七○年○嗣○君○付○諸○幽○囚○凡○有○血○氣○皆○
欲○寸○磔○士○英○大○鉞○等○以○謝○先○帝○此○非○臣○私○言○諸○將○士○
言○亦○天○下○忠○臣○義○士○愚○夫○愚○婦○之○公○言○也○伏○乞○立○肆○市○
斬○傳○首○杆○煥○士○英○等○大○怒○故○兩○人○及○禍○臨○命○時○至○書○
先○帝○遺○臣○四○字○於○胸○乃○自○盡○初○少○詹○吳○偉○業○以○奉○差○行○興○
戎○政○尚○書○阮○大○鉞○別○大○鉞○以○上○仁○系○主○一○切○生○殺○予○奪○

惟予與數公為政耳。歸語聲氣諸君。孫鶴夢穩定不起。同文之獄也。又曰。周鍾光時亨自有公論。周鑣無死法。惟雷縠祚當正大法耳。又御史張孫振以必殺時亨鍾為志。曾言之刑科。都錢增兼及於鑣。增訝曰。鑣非從逆者。孫振曰。當以門戶誅。增心不平。故以乞差行朝行而數人暮及。

命督輔可法督李本身北。盱眙守徐州劉良佐駐臨淮守壽州以防北。

黃得功渡江防勦。

旨云上游急則赴上游敵急則禦敵亦岌々矣

辛酉命黃得功暫駐兵於荻港旧縣三山侯有警再進
時左兵連破郡邑猶無確報或言左或言年文綬兵假
充左兵搶掠遠御史黃耳鼎僕自武昌至謬云良王坐
鎮如故士吳悅請假祝生辰或嘆曰若此聞先一日光
時亨等不死矣蓋以為信然也

命新赦梁兆陽赴靖南侯黃得功軍前白衣自效
得功詰之也新旨不復問矣

癸亥進封郡王常澄為襄王封潘氏為王妃

升刑科左楊兆升戶科都給事中

兆升崇禎時為南禮科因南垣將繼北垣後合糾吏部左侍郎張捷荐逆案獨兆升不從故察至是捷決意子環雖吏科都張希夏抄叅罔恤也不月餘遂擢今官後以請緩薙髮為北米知府宗灝立捶死

改兵部主事李毓新試兵科給事中仍管職方司事

甲子准原任總督楊鶴以原官留駐常德關屯并聯絡土司擇十五日選中宮禮部尚書錢謙益請并選東西二宮命候旨乙丑准原任推官周之夢復原官仍候考選

之夔先為蘇州推官以太倉漕糧與同年庶吉士張溥
原任臨川知縣張采左引目疾歸里巡按福建陸清原
糾其不法列款甚多之夔疏言清原本吳昌時社黨為
溥等修隙故附已內云祖宗三朝孝慈仁聖尚敢造本
無之事上謗宮闈我皇上天與人歸大統攸集尚敢
懷二心持異議謀危社稷党人手段若此況臣微臣
哉時御史張孫振清原房師也數言清原之糾非是故
之夔勝

赦逆案戍犯李永祚罪准還京

從禮部尚書錢謙益請也。永祚故豐城侯，請加魏璫九錫者。先帝改斬為戍，已卒矣。今赦還。

左彘戍兵破安慶

時傅黃澍從亂，巡撫張亮被執城中，殺掠甚衆。聞臣士英方擊觴，忽聞，危墜地。

命刑部逮刊王之明，情辭付賈誼，詔使臣述郡宣布。從御史張兆璠言也。

內寅南安侯俞通潯裔國勲，請還祖爵。命吏部察核。通潯父子兄弟俱以功勲，且殉節，量予恩，非濫惜國亡。

不果

復原任為民吏部侍郎林林隆原官

棟隆坐故輔薛國觀累為民

命欽遣及赴任各官俱請旨驗放商賈小民不禁

命兵部尚書阮大鍼應安撫督辦大興等速抵河口相機

扼勦

廣昌伯劉良佐入衛

戊辰詔責江楚提督劉繼成

時繼威既言左良玉稱兵堵止不得故責以身為大臣

兼擁重兵何云不得

北兵分道南下總兵李處彬棄城走督輔可法請召討命
已之

時北兵已迫或言虜或言許定國難變假充北兵中外
猶世也巡按何給疏正文輕閩票云鬼語四大不雅
不奇一味漢人胡語識者以為胡識

命移潞王於湖州

時以輔臣總憲皆湖郡人絕類伺也

命移周魯二藩於江西廣東擇郡安頓又召惠王并桂王

子安仁永明二郡王赴近畿居住

初諸臣日憂潞王睥睨且以東林不忘擁戴借題差剪
惟工科都李清曰但移忠杜二藩於近畿以待皇子之
生若其未生有親藩在彼䟽藩耳何睥睨亦何擁戴時
皆然之至是乃行其言會國亡不累

新升廣西提兵黃斌卿連破叛兵於灰河大同寺處以提聞
斌卿聞新命離九江忽聞左兵叛以旅舟返上游約故
將陳輝蔡欽等鼓以忠義厚犒之自初一至初五連戰
皆捷前後焚舟百餘溺死千餘人并獲其奏檄書牘甚

衆內貽禮部尚書錢謙益一牘有廢置語斌卿初欲奏
聞恐為諸人禍乃止遂具疏報捷賜舟赴廣西

應提兵劉洪起一子錦衣衛百戶

庚午撤提督田仰回以王永叔為總督兼河道巡撫淮安
鳳盛等處以藍法都御史錢繼登兼巡撫揚州

仰後降北

加御史鄭鹿貞尚寶司少卿仍舊

復已故為民左庶子丁進原官

進險蹂以南聞累

送原任河南巡按陳潛夫於法司

潛夫以京城破縣里後北兵改紹興潛夫沉妻妾於河
投水而死

復已故行人韓敬修撰

辛未加兵部主事黃國琦試兵科給事中

起升尚寶少卿范鳳翼為光祿少卿

贈工部尚書張輔之太保廕子

左夢庚兵攻池州拒却之

初夢庚擅摠父任佯語江督袁繼咸曰先父不幸亡今

至池州候旨繼成曰如此尚可為抵池度亦得朝命密以疏聞道梗不得達諸兵將果復攻池郡以拒却言者飾也

晉黃鼎金宮衛一級

壬申詔暴左良玉逆狀罪止大懲脅從罔治

吏部尚書張捷等請之也疏并及袁繼成指為同謀時同鄉太僕少卿萬元吉亦密語御史喬可聘曰有之一時無以辨也

贈原任南贛巡撫洪瞻祖兵部尚書廕子

良佐內江
比心善盡
不降耳

癸酉上召對群臣

時南北交急大理少卿姚思孝御史喬可聘成友諫皆
揚人也奏立良王稍緩虜尤急乞無撤江北兵馬固守
淮揚控扼額壽上曰劉良佐兵還留江北固守士莫
時立御前戟手誓曰爾輩東林猶藉口防江欲縱左逆
入犯耶若敵至猶可議款若左逆至則若輩高官我君
臣獨死耳臣已謂良佐兵過江南矣寧死敵無死逆舉
朝為失色有賈似道棄淮揚之謂時上雖憂形於色
猶顧友諫曰若成某耶蓋往者播徙時曾餉上于危也

命蜀六科都給事中倖

時九卿十三道合糾左良王公疏已上兩得旨惟六垣
疏未上吏科都吳希哲初大言曰今日所重不在趙宜
出公疏糾揆也并請國守江湘然遠巡未敢也已以防
江公疏上有旨責六垣無疏討良王故蜀之

予原任禮部尚書吳山廬仍典謫

准禮部左侍郎管紹寧回籍

紹寧始失部印紐連為同里主事賀儒修所攻故去後
為北常州知府宗灝所殺

提兵鄭鴻達奏破亂兵於江中獲馬千匹船二百餘隻
時許定國以北兵至高傑妻邢氏率其子以兵三千走
泰州餘兵於十四日盡焚瓜洲營趨鎮江殺故所掠者
而更掠鴻達泉其先渡者十七人高兵盡以糧艘載錫
重婦女南向鴻達復拒之砲沉其舟者半之西下入海
北兵入瓜洲

高傑兵潰民方返故居忽北兵至遂入城揚南北皆敵矣
甲戌命驅北江岸及濠河官民舡儀真鹽艘於南
中樞籌江之策如是而已

命靖南侯黃得功移家鎮太平一意辦賊

進靖南侯黃得功左柱國庶一子錦衣衛指揮僉事賞銀幣

得功奏大破左兵於銅陵解其圍故也時左夢庚部將季國英縱兵打糧與官兵格鬪夢庚兵多傷遂以大捷聞諸將憤、將合力趨蕪米表繼咸曰如此是終欲為亂也。面斥黃澍等悞國。昭諸札。譬以大義不聽。則赴江流水死。中有患登相者係繼咸撫卹時招安是其言諸鎮將乃議還師聞日刺使王方知北兵已陷泗逼儀揚

矣

命提督王永吉救揚州

乙亥起原任廣東左布政姜一洪太僕寺卿湖廣按察司
卬威初福建左布政胡爾慥俱光祿寺卿浙江按察司
王夢錫太僕寺少卿各添註同禮部尚書錢謙益講求
生節

北兵破揚州知府卞民育死之甘肅圓練總兵劉肇基逆
戰及原任兵部侍郎張伯鯨俱遇害

揚城頗堅督輔可法在焉北兵從西北隅以大砲擊破

遂入城死者甚衆卒基抗敵力殺數人無繼者遂見殺
可法或云見執叩之不應見殺或云不知所之民育衣
冠坐堂上兵至不屈碎其屍伯鯨誓守危城不出遇害
陞御史劉光斗大理寺右寺丞

後降北復為行人司司副

丙子留任滿巡益御史李挺於浙江命都察院無得推缺
旨云李挺任內欠課銀二十餘萬不許離任寔庇之也
丁丑命諸將有縮朒逃竄一舸窺江者不論兵賊立行掃除
錫襄衛伯常應俊山臣高尚義宴出師

戊寅升浙江叅議李曰春光祿寺寺丞

追贈故兵部尚書于謙臨安伯

時于之英以夤緣幾冒伯爵御史喬可勝等以非謙系
無画題者遂止追封謙初浙有三大功臣劉基誠意伯
王守仁新建伯至是謙復贈伯

升御史叅議都察院右僉都御史巡撫常鎮等處

連後降北門為御史

命內臣盧九德救揚州提督王永叔鎮臣劉良佐劉澤清
等合兵援揚

揚州已破三日矣永吉殺降北為大理寺卿

已卯升尚寶司少卿王鼎鎮應天府府丞

兵科右吳迺疏列維揚戰守機宜報聞

遣係國公朱國弼祀孝陵

以忘和也從此報和知悲哉

革兵科右吳迺職命錦衣衛監候

迺言頃聞建德東流失守是賊是兵是為誰氏兵未有
確據也迺接塘報云荆襄卒文綬兵又云銅陵西關之
焚掠南陵城外之圍劫是方國安兵文綬驟膺大帥沿

途觀望苟復綴掠尤屬非法國安受國辱恩無馳勦有
焚掠是拒虎進狼乞勅監軍按臣確察是否兩鎮兵馬
再有違延懲以失候軍機律疏奏聞臣士英以不糾良
玉而糾文緩國安擬旨切責之至是輔臣奕琛劾逆黨
叛逆下獄次日御史張孫振復補糾言逆為東林衣鉢
復社渠魁又文震孟姚希孟的派宜立正兩觀之誅皆
阿輔臣意也初張希夏為吏科都時題近代守吏科如
楊兆升戴英等不宜以察處賜琛逆案陳爾翼不宜以
荐崔呈秀為本兵錄用皆希夏命題而逆擬稿然希夏

不認也故衆怨戍積于逆其胎禍以此又逆為浙江刑
官時與陳子龍會訊秦爽琛一案按臣左光先題覆得
嚴旨永戍故叩恨光先逆為最云

庚辰贈搢江都御史唐際盛兵部右侍郎庶子

升常鎮道副使馬鳴寔尚寶少卿

加錦衣衛馮可宗左都督進宮銜一級

辛巳升鴻臚卿徐一諤光祿卿

後降北仍為禮部郎中

加贈故戶部尚書畢振泉右都御史

命戶部右侍郎申紹芳督佐江南糧餉

五月壬午朔升原任文部郎中李彬都察院右僉都御史

巡撫河南

升兵部郎中楊文驄都察院右僉都御史巡撫蘇松等處

文驄先為江寧令、御史詹兆恒疏糾其僉、早職以輔臣

士英內戚、特起兵部、升常鎮、迭叅議未及受事、即有是擢

升御史徐復陽太僕寺少卿

丁亥北兵自瓜渚鎮薄鎮江、總兵鄭鴻逵力禦之

越二日報鴻逵捷、京口與北兵水戰大捷、我政頒賞有差

加總兵劉學基二級廕子錦衣衛千戶

庚寅北兵潛師渡江我師潰鄭鴻逵楊文聰遁

江上相持者三日會是日大霧北兵乘霧自七里港渡

霧歛見有兵駐江上未知是何兵及飛矢如蟻群驚曰

北兵至矣步兵倉卒列陣甘露寺前北兵以騎突之悉

潰走聞浙步兵焚掠至卅陽入浙鴻逵等以舟師入海

辛卯車駕夜狩太平府從靖國公勲保功也

初北兵南侵保國公朱國弼尋屏人密奏上慨然曰

太祖陵寢在此走安往惟死守耳至是早北兵渡江信

至中外大震。上薄暮開通濟門舍皇出狩。百官猶不知。但夜聞甲馬聲。次早猶有入朝者。見內臣紛紛四竄。始知駕已出宮。先是四月中督輔可法屢疏告急。士英惟票旨下部。故金陵寂然。及揚州破。大江中無一舟渡。南北聲絕。遲至二十九日。兵部始得報。民間猶未知也。朝廷方恃長江天險。將官予廩。若無意然。兵科石吳适曾詣兵部商防江大計。職方王期鼎各言長江之險。北兵決難飛渡。何足深憂。适向同官嘆息而已。至是城守無備。一朝狼狽。通國恨之。時士英見事迫。亦恨阮大鍼。

此時張家
素如物不
能行亦未
必肯行也

張孫振誤已孫振往見比不納然無及矣

壬辰馬士英出奔亂民擁立王之明于京師

上之出奔士英猶不知惟戎政侍郎李希沆先知遂行士

英猶後之也凡擄家者皆瞻仰不能行初之明屢訊百

官皆知偽然民間猶謂真也至是二三劣衿為首率

亂民擁立之御殿三日又群往趙之龍寓邀百官入朝

之龍手斬為首劣衿三人乃退執之明繫獄廣昌伯劉

良佐無拒北意惟南門外縱兵焚掠百姓恐攻城徹夜

驚呼乃議推保國公朱國邦為留守官之龍密遣使渡

江啓迎北兵時諸臣猶不知集議禮部尚書錢謙益所
諫益太息曰事至此惟有作小朝廷求活耳擬啓稿送
之龍之龍置不用內庫銀絹米豈服玩弓刀之屬皆被
劫罄^去捕馬士英及群黨家又合力勦士英標下川兵幾
盡初輔臣王鐸青衣謀遁識者指罵曰若贗太子辜
先帝恩群搆之鬚髮盡禿挾至之龍處洶洶欲撲殺之龍
佯言下之獄故免室內所蓄書畫極多與皆俱盡矣張
掇掇懼及禍極詈士英黨與自免人皆笑之

甲午北兵至大教場北營城外文武官俱迎降吏部尚書

張捷刑部尚書高傑左副都御史檄緝垣禮部主事黃
端伯戶部主事吳嘉胤中書龔廷祥皆死之

時劉良佐兵方肆掠城外望北兵至倒戈降懾伏不敢
動文臣錢謙益楊雲舉張孫振劉光斗宗灝等五人武
臣趙之龍先迎後皆績住時兵部侍郎李喬大理少卿
姚思孝已薙髮爲僧之龍亦勒之出同謁孫王賜食飲
席地噉之龍靖難功臣趙彞後至是首啓門降誠意伯
劉孔昭獨率麾下兵先斬關出走孫王勒各官具花名
手本盡卹不到者搜捕咸加皮鞭點名兩大學士王鐸

惟恒偽死
泥於此

迴車史記

蔡燾璣也。惟維恒先命二妻投水。一妻從之一妻不從。
狂走命追執之。亦沉井。正衣冠自縊。端伯安坐私寓不
報。名兵至先執其妻面搥之。端伯傲然不視。曰殺即殺。
誓不投。詔被殺。嘉胤已奉差出都。聞北兵渡江。復迴車
寓城外僧寺。上書求復明社稷。屢請不達。及書上。命二
僕攜冠帶至南門外。方文正公祠前。整冠四拜。縊於樹。
一僕欲解救之一僕曰不如令主人盡節遂死。廷祥遺
書與子誓不事二君。又引馬世奇劉理順兩師死節自
勵。諄諄以老母爲念。言不及私。遂投武定橋下死。提初

聞變擬積薪自焚已不遂復走縊鷄鳴寺俾以北豫王
將入京左右侍郎約俾出迎不從縊於寓徽州監生吳
可箕題詩明志亦自縊某鴻璫不繳印爲蒼頭所首見
殺一弓和題詩鷄鳴寺自縊死

戊戌北兵進守皇城

豫王先遣兵十餘命禮部尚書錢謙益等說之搜宮方
入坐定即問崇禎太子安在乃出王之明于獄與並坐
指語諸臣曰此真太子也已見內外俱定乃屏不召時
謂之明之南乃北廷所遣以攪惑臣民也

通鑑可差

北兵奄至太平府靖國公黃得功提兵翁之瑛戰敗死之
上遂入北營

初豫王至城外即馳遣騎兵數千往蕪湖襲駕無一人
知者時上已至太平猶寂然米大典既大鉞入見舟
中俱入閣得功見上誓力戰報未幾得功兵四出掠
民家北兵突至得功倉皇出戰初中一矢猶不退繼矢
貫其喉知不濟自刎死副提兵翁之瑛亦投江死中軍
田雄入上舟挾上降北馬士英已先期奉皇太后
走浙矣上至南京城外諸降臣頓首上前請無死

且求往見豫王曰惟弗行君臣禮可矣時上戴僧帽
著藍布袴馬尋入城諸臣往見上揖一叩首爾上對
諸臣泣衆皆泣尋北狩

左夢與挾江督勅緹啟叛降北

初馬士英以封爵囑諸鎮購黃陂諸鎮益不平陰畫計
降北緹啟孤舟困叢棘中命人語鄧林奇等與汪碩菴
李士元移舟避皖湖中陰遣人迎緹啟時逆舟郝效忠
方與惠登相合營倖以登相意遣使迎緹啟赴其軍云
入江省為後圖緹啟信之乘風往將及湖口夢庚遣倖

佳威終量又
夫

黃河可殺

暢

弁李致和挾舟行甚迅距九江三十里則北兵營在紂
咸見八王子不肯屈曰某國重臣受累朝厚恩豈肯事
二姓乃拘以北職方李猶龍以署皖鉞行黃淵以署潯
逆行矣紂咸後至燕以不屈遇害

九月鄧光弼黃家驛以北安撫命至江南巡撫楊文驤適
是時蘇松等處各邑多起義者文驤勒兵入蘇擒家驛
斬之尋見北兵大至仍遁入海

原任浙墅關員外猗良孺被殺

良孺右春坊正撥父也南京破未解任先薙髮降以原

官管閔時士民方以起義爲名良孫遂被殺

長洲諸生顧性之犒服投泮水死

甲子北兵至杭州潞王及巡撫張叔獻以皇太后迎降錢塘知縣顧咸建被執死之

士英挾皇太后渡獨松關沿途肆淫掠至廣德州人拒之攻入城知州趙景和被殺死者甚衆杭州民間之懼撫按等先遣官往迎以駐兵外請士英至寓臨湖小瀛洲五月二十八日皇太后駕至以城中總兵府爲行宮群臣及潞王往朝人見儀衛蕭條疑爲士英母所假葬

暮城中豐寧太平二坊民競以炮竹投樓外士英方宴驚走以樓船藏湖心亭至曉入朝用精甲百許自衛請太后出服赭一紫衣女官侍令官吏士民皆入見朝罷傳旨召用在籍諸臣獨不及劉宗周章正宸時北江巡按彭遜以適奔抗命以僉都御史募兵兩浙錢糧憑取用皆士英意也翼日宗周與熊汝霖入朝汝霖見士英詰聖駕安在輒來此士英無以應然猶盼上江捷不數日阮大鍼朱大典方國安俱倉皇到則得功兵敗死乃以次日請潞王監國不受太后召王泣拜終不受惟迎太

后入府從張秉貞陳洪範等計迎款而已楚藩一鎮國
將軍慟哭解衣冠投地去時楊文驄鄭鴻達亦自海入
錢塘請王入閩王終不許至十三年北兵突至士英等
方與撫按飲江干急渡錢塘按臣何綸鹽臣李挺亦行
惟撫臣張秉貞縋城入偕王出迎貝勒錢塘知縣顧咸
建亦佯迎旋遁執至遁之降不從見殺懸其頭城上方
畧蠅無集者越月餘貝勒挾太后潞王等北去洪範與
北通許割地封王故王爲所欺而降也初上旣失國
咸恨不立潞王時太常少卿張希夏奉勅獎王獨語大

漁漁未及生
此位天子云
尚德失之無
所不立漁漁
同志失能天

理寺丞李清曰中人耳未見彼善於此王居杭時常命
內官下郡邑廣求古玩又指甲可長六七寸以竹筍護
之其爲人可知矣大理寺少卿沈胤培常曰使王立而
錢謙益相其賊壞與馬士英何異初穀廟於天啓七年
即位一日召諸臣入內殿密諭云今日有一異事清晨
某內官來報說某殿柱上置一黃袱取視內一紙云天
啓七崇禎一還有福王二十七此妖書也合根究閣臣
揭請焚之乃先時來宗道爲閣臣揭現存家所云崇禎
一福王二十七者以十七移置崇禎名下則福王止得

二也。王自崇禎十七年登位。至弘光元年。祇凡二年。興亡之兆。蓋有數云。

閏六月。清攝政殺大明使臣兵部侍郎左懋第及其同行五人。

初懋第抵燕。議見攝政禮總兵陳洪範等。皆言欲全國以全身。非屈膝不可。獨兵部司務陳用極毅然曰。我輩千秋氣節。皆係於此。彼建屈膝之說者。皆巾幗也。時懋第亦以勅書內有不膝。即爲不辱命一語。故持初議甚堅。及至。追回改館太醫院。懋第題其院門曰。生爲大明。

忠臣死爲大明忠鬼至是開南都已陷懋第等皆哭盡
哀然攝政亦無意殺之也會中軍艾大選先薙髮叩勸
懋第早降懋第怒勒殺之其同謀監餉傅濟懼告懋第
勾引齊寇謀危京城攝政遣入院勒諸人剃頭降懋第
大呼曰我頭可斷髮不可落時用極與遊擊王一斌都
司張良佐王庭佐守倫鄧統皆不屈遂下刑部重鍊三
匝旋移水獄七日不飲食逼降不應執見攝政懋第仍
服母喪偕用極長揖南面坐攝政數懋第以僞立福王
及勾引齊寇狀懋第曰我先皇痛罹大變以親以序當

立福王山東豪傑皆忠義有爲前就見我時俱勉以太
義亦非土寇既又歷數攝政不郊迎使臣不以龍亭出
接御書罪又言艾大選薙髮勸降應誅曰我血性男子
到此有死而已攝政指用極曰爾何人亦不跪用極曰
我兵部也三尺童子耻拜口口況我大明人物也攝政
怒命捶其頰用極喫血呼曰士可殺不可辱攝政復從
容曰汝等不怕死信忠臣也然降當不失富貴想第曰
難頭不如斫頭攝政令左右拽出復遣降臣勸曰先生
懼乎想第曰無○問○我○懼○不○懼○且○問○若○輩○羞○不○羞○至○順○城○

何減文山集

門又遣滿官以封王嘆之憇第曰我寧爲大明鬼耳將
刑顧謂五人云何一斌等皆曰願從死憇第曰但恐有
悔用極曰求仁得仁又何怨憇第南面叩首泣曰臣心
畢矣遂殺五人皆爭就死忽沙風四起屋瓦皆飛捲市
柳於雲際觀者近萬人皆流涕

七月唐王即位於福州改元隆武遙上帝尊號曰聖安皇
帝

二年五月帝遇害於燕京潞王等數十王俱見殺王之明
亦伴死

上燕居深宮每徘徊詆嘆謂諸臣無肯爲我用者於聲
色罕近也然讀書少章奏未能親裁故內閣外士相倚
爲奸皆歸過於上如端陽捕蝦蟆此宮中舊例而加
以穢言且謂嬖童季文死者接踵內外喧謗罔辨也及
國亡宮女皆奔入民家歷々吐狀始得其寃又舊輔吳
姓寓居梁水曾見一大璫詢及官府事言上飲酒宴
樂有之縱淫方樂等傳聞非確惜爲大學士馬士英所
挾耳蓋綠士英爲御史黃澍所糾密疏言上之得立
繇臣及四鎮加其餘諸臣皆意戴潞藩今日彈臣去明

日且擁立潞藩矣。上信其言為雨泣久之。以後一切
朝事俱委士英。又言士英聰阮大鍼奸謀。欲以三朝要
典問擊事。與黨人之獄。上獨不允。亦可想其為人矣。
附錄牧齋詩二首

一年天子小朝廷。遺恨虛傳獲典刑。豈有庭花歌後閣
也。無杯酒勸長星。吹唇涕地群狐力。勢面呼風蜮鬼靈。
奸佞不隨京雉盡。尚餘流毒螫丹青。雞人唱曉未曾
停。倉卒衣冠散聚螢。執熱漢臣方借箸。畏炎北騎已揚
舲。乙酉五月初一日召對講官奏北馬畏炎必不渡江刺閨痛惜飛章罷余疏請
後揚自

出督兵慰講殿空煩倒坐聽腸斷覆坯池畔水年一流恨
純新亭

同治戊辰上元日節庵學人手校一過肯客星沙

南渡錄卷之五

終